

अ॒कर॒मिति॑ । स च॒न्द्रम॒आह॒रेति॑ प्रा॒लप॑त् । तच्च॒न्द्रम॒-  
सश्च॒न्द्रम॒स्त्वं । यए॒वं वेद॑ ॥ ३ ॥

च॒न्द्रवा॒नेव॒ भव॑ति । तं दे॒वाअ॑ब्रुवन् । सु॒वीर्य्यो॑म॒र्य्या  
यथा॑ गोपा॒यत॒इति॑ । तत्सूर्य्यस्य॑ सू॒र्य्यत्वं । यए॒वं वेद॑ ।  
नैनं॑ द॒भ्नाति॑ । कश्चना॑स्मिन् वा इ॒दमि॑न्द्रि॒यं प्रत्य॑स्थादि॒-  
ति॑ । तदि॒न्द्रस्ये॑न्द्र॒त्वं । यए॒वं वेद॑ । इन्द्रि॒याव्ये॑व भवति  
॥ ४ ॥

अ॒यं वा इ॒दं पर॒मोऽभू॑दिति॑ । तत्पर॑मे॒ष्ठिनः॑ परमे॒-  
ष्ठि॒त्वं । यए॒वं वेद॑ । पर॒मामे॒व का॑ष्ठां गच्छति । तं दे॒वाः  
सम॒न्तं प॑र्य्यवि॒शन् । वस॑वः पु॒रस्ता॑त् । रु॒द्राद॑क्षिण॒तः ।  
आ॒दि॒त्याः प॒श्चात् । वि॒श्वे दे॒वाउ॑त्तर॒तः । अ॒ङ्गिर॑सः पु॒-  
त्य॒ञ्च ॥ ५ ॥

सा॒ध्याः परा॑ञ्च । यए॒वं वेद॑ । उपै॑नः स॒मानाः संवि॑-  
शन्ति । स पु॒जाप॑तिरे॒व भू॒त्वा पु॒जाआ॑व॒यत् । ताअ॑स्मै  
नाति॑ष्ठन्तान्नाद्याय । तामु॒खं पु॒रस्ता॑त् पश्य॑न्तीः । द॒-  
क्षि॒णतः॑ प॑र्य्यायन् । स द॑क्षिण॒तः प॑र्य्यव॒र्त्तय॑त् । तामु॒खं  
पु॒रस्ता॑त् पश्य॑न्तीः । मु॒खं द॑क्षिण॒तः ॥ ६ ॥

प॒श्चात् प॑र्य्यायन् । स प॒श्चात् प॑र्य्यव॒र्त्तय॑त् । तामु॒खं  
पु॒रस्ता॑त् पश्य॑न्तीः । मु॒खं द॑क्षिण॒तः । मु॒खं प॒श्चात् ।